

第一百二十五冊

卷二百四十二

列女傳四

新纂雲南通志

盧

漢題

簽



新纂雲南通志卷二百四十九

列女傳十一

廣南府

清

王氏女寶甯人許字黃世麟未于歸黃卒黃籍陝西任廣南營外委

無期功之親女誓不改適守貞四十餘年乾隆三十一年旌

方世璧妻楊氏寶甯人年二十五夫卒家貧紡績養翁姑撫子成立

乾隆四十三年旌

王廷相妻孫氏寶甯人年三十一夫卒無子翁姑憐其幼令改適氏

誓死守節五十年乾隆四十三年旌

朱氏女法自民女年十四爲強暴所逼不從羞忿自縊死事聞旌表

置強暴於法

傅應奎妾高氏陝西三原人夫任石屏州牧護廣南府篆夫疾刲股和藥以進夫卒凡斂具皆手自營辦事畢投繯死入祀節孝祠知府何愚爲之記

秦安義妻儂氏寶甯人年十七夫卒子幼母欲奪其志誓死不從守節三十五年

蔣氏女名迎秀寶甯人年十九許字歐陽興聰未于歸壻卒聞訃大慟欲奔喪父不許省墓亦不許誓以死父母及嫂慰之女曰吾不作二姓人矣乘父出給嫂入廚束髮披麻取所繡物剪棄滿樓飲酖死姜氏女寶甯人年十八許字孫其旺未于歸孫服賈客死孫母告其母令改適女知之大慟誓以身殉父母力爲防護女曰旣以身許即

家婦矣自往孫門告曰姑無子年且老兒願終身鍼黹供晨昏守貞七十餘年王氏寶甯人年二十四夫卒養終姑孝撫子如谷守節四陳朝元妾何氏寶甯人年十九夫與嫡相繼卒撫嫡子如已出守節八十五年王寶甯人年二十六夫卒養終姑孝撫子如谷守節三十

武傑妻李氏寶甯人年二十二夫卒子幼族人欲奪其志氏剪髮自誓族人復誘爲尼引尼入室氏見勢迫投井獲救復甦自是無敢干者守節四十餘年王寶甯人年二十五夫卒養翁姑孝撫子成名百歲有周氏女寶甯人許字范千總未于歸范以罪戍邊女聞慟絕復甦請於父母至郊哭送回至范氏守貞事姑至孝王氏女寶甯人年十七許字某外委未于歸婿卒詣夫家事姑伯氏

欲逼嫁之翦髮自誓終身守貞

王佩英妻陸氏寶甯人夫隨世父宦山西尋卒叔扶櫬歸氏哀號逾常水漿不入口姑囑家人防守乘間飲酖死

張有功妻某氏寶甯人年二十七夫卒子殤自食其力年近百歲有送食者食之否則饑飽亦不知問其姓與年亦不復記憶云

龍在朝妻何氏寶甯人年二十四夫出師不知存亡家貧紡績撫子守節六十六年

龔偉妻謝氏寶甯人年二十六夫卒養翁姑孝撫子成名守節三十年

楊文翥妻王氏寶甯人年二十四夫卒養翁姑孝撫子成名守節四

十餘年

王志止妻陸氏寶甯人年二十六夫卒遺腹生子事祖姑及姑孝撫子成立嘉慶二十三年旌

以上廣南府志

萬朝輔妻周氏寶甯人年二十二夫卒養姑以孝聞守節三十二年嘉慶二十四年旌

普元吉妻殷氏寶甯人年二十四夫卒奉姑撫子守節二十年

李登玉妻陳氏寶甯人年二十六夫卒守節四十年

李業卓妻劉氏寶甯人年十九夫卒守節三十六年以上道光十一年旌

麥天德妻梁氏寶甯人年二十六夫卒無子撫姪爲嗣教之成立守節三十七年道光元年旌

張雲鵬妻曾氏寶甯人年二十二夫卒事翁姑孝守節三十五年道

光六年旌

晏兆淥妻唐氏寶甯人年十九夫卒撫子守節三十二年道光六年旌

張運亨妻唐氏寶甯人年二十夫卒養翁姑至孝鄉里稱之守節三

十年道光六年旌

以上道光志據案冊

貞孝女陳氏寶甯人陳玉璫女許字唐立愛未歸而立愛故女聞訃自盡因救免素服往奠慟絕復甦舅姑留守勵志三十二年光緒六年旌

貞孝女曾氏寶甯人許字岑玉虎年十六未娶而玉虎卒於疫女縞素過門矢志守貞孝孀姑立伯子爲嗣未幾嗣子殤慟哭失明守義四十九年卒

黃登雲妻龔氏寶甯人年二十一夫亡家貧祖姑衰邁慈母孀居力作奉養及歿喪葬如儀撫子成立娶楊氏無何子夭楊從殉遺一女復撫孫女贅壻尋生子以嗣黃氏卒年七十有二以上光緒志

陳濬妻楊氏廣南府人舉人署直隸元成縣知縣楊應枚女年二十

十二夫卒遺子陽生二歲夭殤以叔子嘉修承嗣撫成立奉翁姑孝

與妯娌和光緒十年歿守節三十四年奉旨旌表准建坊入祠

龍德譜妻蘇氏廣南府人年二十八夫歿遺子甫三歲女甫八齡家貧矢志守節撫子女成立爲子乾貞娶陳氏無育又娶黃氏生一孫名贊虞光緒丁未提學吳魯獎護節流芳額卒六十九

胡永年妻劉氏廣南府人夫卒氏年二十餘子幼家貧矢志守節撫孤成立守節七十餘年卒年九十七岑毓英以壹榮蘭茂表其門

楊廣成妻陸氏廣南人夫卒氏年二十餘生一女尙在襁褓矢志守節艱苦備嘗守節五十餘年卒年八十

廩生何其純妻乃氏廣南人夫沒氏年二十餘遺腹二月生一子苦節堅守歷遭兵燹匪亂幾不克存卒全清操教子安國曾在蒙自師範簡易科畢業富縣知事謝栻以賢嫗歐母表其門守節四十餘年杜成義妻陳氏廣南人夫卒氏年三十子女俱幼矢志守節孝翁姑教子女和妯娌睦鄉鄰守節三十三年富州縣長趙時清題松筠比操表之

湯明倫妻黃氏廣南府人性淑慎孝父母友兄妹年二十于歸孝敬翁姑持家勤儉時游匪滋擾其夫奉父母命前往板蚌接弟回家中途被匪害氏年二十三生子甫八月矢志守節撫育孤子煥文省立

第一中學校畢業守節三十年

李烈女廣南府人附生李懷新女年二十有土豪欲強納爲妾不從自縊死

順寧府

明

猛繼妻易朶猛朋妻易喬俱府人洪武間以相夫成名西平侯上其

事皆贈恭人

萬歷志

夜梅府人熨婦也萬曆間木邦侵境兵勢甚勁郡中男子與之敵者

皆北婦手持尺劍敗其黨百十餘騎自是木邦兵不敢犯

萬歷志

猛卿妻陶氏雲州人年二十六夫卒哀毀欲絕獲救免撫子成立

雍正志

朱錫命妻羅氏雲州人萬歷中夫以殺賊陣亡氏年二十八誓死靡

他撫孤就學辟糲飲血以勵其志子朝英由選貢作牧新興閭里榮

之

雍正志

潘之鯨妻閻氏雲州人年二十三夫卒撫子入庠守節五十七年

傅汝誨妻劉氏雲州人夫病篤顧其子曰汝將謂他人父耶及卒氏

撫子入庠守節不渝

李中豸妻傅氏雲州人年二十二夫卒養姑撫子守節五十八年

以上順甯

府志

清

黃文達妻周氏雲州人順治五年文達死於擊賊氏守節教二子宸

農皆入庠序

楊應鶚妾佟氏奉天人應鶚官貴陽府同知當吳逆弄兵屢檄署官

堅志不就乃安置順甯及大師入滇逆黨郭壯圖恐其內變使僞將致之死應鶚知不免設酒召平日所與善者痛飲既而對使大罵氏在內厲聲曰大丈夫當毅然引決無戀戀如兒女子轉誤大事我先行不使公遺憾泉下言畢取帛結縊投身於館之後樓應鶚喜曰可爲吾婦矣亦自縊時康熙十九年除夕也

奉勝妻羅氏緬甯人年二十夫亡子廷徵甫三歲撫孤成立襲土司

康熙五十六年旌

李文興妻施氏府人以孫婦事祖姑護持危疾克盡溫恭服勤左右久而得愈康熙六十年教授張端亮旌之

廖正乾妻董氏府人夫卒撫子知府給額旌之

張守蘊繼妻龔氏府人年二十五于歸數日夫卒孝事其姑撫前子

女如己出守節四十餘年知府范溥旌之

林之育妻李氏府人年二十五夫卒紡績養姑不輕言笑者四十年知府范溥旌之

李欒妻楊氏府人年二十六夫卒子幼翁姑憫其年少將使他適氏刺面毀容事翁孝撫子成名守節六十年知府范溥旌之

王御中妻李氏府人年二十六夫卒孝事翁姑撫子成立守節三十一年

楊濂妻陳氏雲州人年二十六夫卒孝事繼姑終身不渝

陳國相妻楊氏雲州人年二十五夫卒孝事翁姑撫四子成立守節六十七年學使王晟知府李清載俱給額旌獎

蔡瓊華妻吳氏雲州人年二十夫卒撫子守節四十五年

宋科妻楊氏雲州人年十八夫卒無子撫姪爲嗣訓子成名守節四十餘年

王賜瓚妻李氏雲州人年二十五夫卒養翁孝撫子守節三十餘年

王賜齡妻劉氏雲州人年二十六夫卒養姑孝守節三十餘年

徐經元妻陶氏雲州人年二十九夫卒撫六子成立守節五十餘年

楊明俊妻李氏雲州人年二十三夫卒撫子子卒復撫孫成名守節

五十七年

陳大顯妻葉氏雲州人年二十四夫卒撫子成名守節二十二年

陳大鼎妻張氏雲州人事瞽姑至孝鄉里稱賢知府給額旌獎

王伯槐妻楊氏雲州人年十九夫卒事祖姑及翁姑孝撫子成立守

節四十八年

張允成妻沙氏雲州人年二十八夫卒撫子成名守節三十餘年

楊文偉妻段氏雲州人年二十九夫卒撫四子成立守節五十四年

奉欽朝妻奉氏雲州人年三十夫與子相繼卒撫孤孫成立守節四

十六年

羅鏡妻王氏雲州人年二十夫卒紡績養姑撫子成名守節五十二

年

以上順寧府志

李東昇妻禹氏順甯人東昇乾隆丙子舉人以大挑二等授賓川訓導未之任卒於省寓氏年二十八哭泣數日縊死

楊琬妻張氏府人年二十六夫卒養姑撫子守節五十一年

董瓊芳妻龔氏順甯人年二十七夫卒撫子成名守節五十三年

王夔倫妻蔣氏順甯人年二十五夫卒孝事翁姑撫子成立守節四

十七年

張美煥妻楊氏順寧人年二十八夫卒孝事翁姑撫子成名守節五十九年

王峻妻梅氏順寧人年二十九夫卒孝事翁姑撫子成名守節三十二年

楊汝恭妻陳氏順寧人年二十六夫卒孝事翁姑撫子成立守節五十年

陳瓚妻楊氏順寧人年二十九夫卒孝事翁姑周全瞽叔守節四十六年

張煥妻陳氏順寧人年二十四夫卒孝事翁姑撫子成立守節四十九年

熊珩妻葉氏順寧人年二十四夫卒撫子子卒復撫孫守節六十一
年以上嘉慶十七年旌

徐國昇妻黃氏雲州人年二十六夫卒養姑撫子守節三十餘年

楊芹妻徐氏雲州人年二十二夫卒孝事孀姑撫子成立

袁際清妻楊氏雲州人年二十五夫卒撫子子卒復撫孫守節四十

七年以上嘉慶十七年旌

以上道光
志錄案冊

羅容妻段氏雲州人年二十四夫卒撫子守節二十二年

陳柯妻陸氏雲州人年二十六夫卒孝事翁姑撫姪爲嗣守節三十

六年

張迎妻施氏雲州人年三十夫卒孝事翁姑撫子成立娶媳章氏甫
生孫子卒復撫孫媳亦守節如姑